

Zeitschrift: Le nouveau conteur vaudois et romand
Band: 84 (1957)
Heft: 12

Artikel: L'orgouet l'è la ruin-na et la pardechon
Autor: Durgnat-Junod, Clara
DOI: <https://doi.org/10.5169/seals-230613>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 07.02.2026

ETH-Bibliothek Zürich, E-Periodica, <https://www.e-periodica.ch>



Pages valaisannes

L'orgouet l'è la ruin-na et la pardechon

D'âtre coup tui l'allâvont à l'elliège et prèyivont lo bon Diu avoué respet, commin lo Ray d'in'ô et dè la terra.

Li j'anfian l'eiront pa tan bon et fotâivont chu la djioeula dè ple faiblè po robâ llieu terra. L'eiront dè grou crouai fiè commin hlieu que châvont pa dè ple. Por èitre chu' dè roeuchî, prèyivont lo Pâre du chiel d'èitre todzo avoué llieu po li cro-yîe j'ac-chon : la djierra, l'esclavadzo di niè et di fennè, po accapâ la retzèchè et beirè dè bon coup. Quan l'eiront ponè d'avâi moujo à la djioeula et à la panfè, li j'ouè pèchoteint, venièvont repeinteint à l'elliège po que Diu llieu pardennèchè.

Ora ? ple. Conflô d'orgouet, hlieu biau monchüe chè creyïont tan malin que llieu j'ouè cllou poeuvont ple viè Diu. Adon dè-yïont què y'ein a rein. Adon chè chont fabricô dè barjein què nommont : « sous-marins » po dècheindrè oeu fon dè grouchè j'évouè et fère colâ li j'eimbarcachon ; di « automobiles » què roûlont tan vito chu li rotè què touont li pourè dzein què l'ont pa li j'ouè darrâi ; « d'avions » hlieu

tzarret què l'ont d'âlè et pœuyïont tan-qu'è niollè et dè coup tzèyïont ba dèjo et l'èclafont achébin hlieu que chont dèdein què hlieu què chont dèjo. L'è pa tot. Li j'hommo dè dzor dè vouè ch'è battont ple la mêmâ tzouja. Ye l'ont inveintô de croyïe j'afférè et pœuvont fère chœutâ la terra : l'ont pa fauta de Diu po fère hllè canaillèri ! L'ont tan d'orgouet et bétije què chon capablô dè chin tot cholet.

Po ch'èpouveintâ li j'on et li j'âtre, ye lâtzont chin què nommont « la bombe atomique ». Quan l'a èclatô ya chu la mer, y'a ona groucha niola que totzè lo chiel. Li dzo d'après, lo bon Diu que veut mottrâ què l'è onco nôûtro Ray, fé què li « radiations » l'è deince que li j'homme nommont la feina fornèta què tchiè d'in'ô partot, eimpuijenè l'aî. Y'ein a à respirâ, à meindjiè, à beirè po totè li dzein, li bétjie et li plantè tanqu'à la moo.

A ouè, y'a pa à rèpirâ ; quan l'Hommo chè crei ple malin què chon Créatoeu, l'è adon que proeuvè què l'è on diablo dandzèroeu et què chon orgouet mènè à la ruin-na et la pardechon.

Clara Durnat-Junod.

Pour débarrasser les animaux domestiques de la vermine incommode et dangereuse, demandez la fameuse poudre **TOXICAL** à la

**Droguerie
Simond**

A LA RUE DU PONT LAUSANNE
DROGUERIES RÉUNIES S. A. -:- LAUSANNE